

EUSKARA. Hizkuntz eskubideak bermatuak izan daitezela eskatzeko eta euskararen normalizazioa eta ofizialtasuna aldarrikatzeko, dinamika iraunkorra jarriko du abian Kontseiluak. Horren barruan, hainbat ekintza landuko dituzte hurrengo hiletan.

Hizkuntz eskubideen aldeko kanpaina egingo du Kontseiluak

Euskararen normalizazioa sustatzea eta ofizialtasuna aldarrikatzea da helburua



JON HERNÁEZ / ARGAZKI PRESS

Iñaki Lasak, Xabier Mendigurenek eta Koldo Ibañez de Elejaldek aurkeztu zuten dinamika iraunkorra.

EKIMENAK

Sektore guztiak batzeko asmoa

Hizkuntz eskubideen aldeko dinamika iraunkorra gizarteko sektore guztietara zabaltzeko asmoa daukatela agertu zuten atzo Kontseiluko arduradunek. Hasieran, administrazioetan, kulturetzan eta kirolean eragingo dute gehiago. Oraingoz, hauek dira prest dituzten ekimenak:

OSASUN ARLOKO TOPAKETAK. Osasungoa Euskalduntzeko Elkar-goarekin batera, topaketak antolatuko ditu Kontseiluak datoen asteetan, pediatria eta larrialdi zerbitzuetan hizkuntz eskubideen egoera nolakoa den aztertzeko.

KIROLARIEN KONPROMISOA. Herritar guztiek euskararen aldeko konpromisoa hartzea da Kontseiluaren helburua, baina hurrengo hiletan kirolariengan eragingo dute. Oinarrizko kirolariek eta goi mailako kirolariek hizkuntz eskubideen aldeko manifestua sinatzea lortu nahi dute Kontseilukoek.

HIZKUNTZ ESKUBIDEEN SINPOSIOA. Datorren urteko martxoan, hizkuntz eskubideen gaineko sinposioa egin gura du Kontseiluak. «Hizkuntz eskubideen gaia, edukia eta egoera aztertuko dugu bertan. Europar eta, bereziki, Euskal Herrian landuko dugu gaia», esan zuen Koldo Ibañez de Elejaldek, Kontseiluaren kanpainaren arduradunak.

Asier Iturriagaetxebarria | BILBO

Kontseiluak dinamika iraunkorra jarriko du abian, lau helburu nagusirekin: hizkuntz eskubideen berri ematea, hizkuntz eskubideak bermatuak izan daitezela eskatzea, euskararen normalizazioa sustatzea eta euskararen ofizialtasuna aldarrikatzea. Xabier Mendiguren Kontseiluko idazkari nagusiak azaldu zuenez, Kontseiluaren Batzar Nagusiak euskararen ofizialtasuna eta normalizazioa lortzeko egitasmo iraunkorra martxan ipintzea erabaki zuen bere sasoian. «Orduan, hizkuntz eskubideen kontrako erasoak areagotzen ari ziren, eta horri erantzuteko dinamika iraunkorra egin behar zela pentsatu genuen. Gaur egun, egoera berean gaude, Hizkuntz Eskubideen Behatokiaren txostenek erakusten duten moduan».

Euskal Herriko administrazio guztiek «hizkuntz eskubideak urratzen» dituztela azpimarratu zuen Mendigurenek, eta Kontseiluak egoera hori gainditzeko

XABIER MENDIGUREN

Kontseiluko idazkari nagusia

«Administrazio guztiek urratzen dituzte hizkuntz eskubideak, eta hori gainditzeko premia dago»

IÑAKI LASA

Kontseiluko ildo politiko instituzionalaren arduraduna

«Normalizazioaren aldeko pausoak ez dira azkarrik eta sendoak, eta horrek egonezina eta kezka eragiten digu»

premia ikusten duela gaineratu. Iñaki Lasa Kontseiluaren ildo politiko instituzionalaren arduradunak zehaztu zuenez, «kezkak» daude aspaldian ikusi dituzten jarrerekin.

Euskarak Iparraldean eta Nafarroan duen egoeran sakondu zuen Lasak, eta Nafarroako Gobernuari «beligerantzia» jokatzea leporatu zion. «Euskararen normalizazioa eraldunen kontrako zerbait bezala erakusten digute, inposizio gisa aurkeztuz. Baina normalizazioa guztiz kontrakoa da, kanpaina honek erakutsi gura duen bezala». Hala, Lasak gogoratu zuen hizkuntz eskubideak giza eskubideak ere badirela, eta eraldunei ere badagozkiela argitu zuen.

Bestalde, Euskal Herrian dau den legediek hizkuntz eskubideak ez dituztela bere osotasunean jasotzen salatu zuen Lasak, batez ere Iparraldean eta Nafarroan. «Horregatik, konturatu gara euskaldunak berak ez dakiela askotan zein den bere eskubidea, legeak ematen dituen aukerak eta benetako eskubideak nahasten dituela».

Erritmo «motelegia»

Euskararen normalizazioaren alde egiten diren ekimenen erritmoari buruz ere jardun zuen Lasak. «Normalizazioaren

DEIALDIA

Parte hartzeko deia egin diete herritarrei

Koldo Ibañez de Elejalde Kontseiluaren kanpaina iraunkorraren arduradunak azaldu zuenez, azkenengo asteetan herriz herri ibili dira egitasmoaren edukiak azaltzen. Orain arte, Euskal Herriko 25 herritan izan dira, eta 300 lagunek baino gehiagok hartu dute parte aurkezpen ekitaldietan. Datozen asteetan, ekitaldi horiek areagotzeko asmoa daukatela agertu zuen Ibañez de Elejaldek. Hala, 100 herritan baino gehiagotan egongo direla zehaztu zuen.

Era berean, Ibañez de Elejaldek parte-hartze aktiboa izateko deia egin zien herritarrei. «Egitasmo hau iraunkorra izan dadin, ezinbestekoa da herrietan eta eskualdeetan lan talde sendoak sortzea», adierazi zuen. Halaber, orain arte eraturako lan taldeetan euskalgintzako eta tokian tokiko eragileak batu direla argitu zuen. Bestalde, gizarteko sektore guztiek konpromisoa hartzeko eskatu zuen.

gaiari ez diogu behar bezain azkar eta sendo aurre egiten, eta horrek egonezina eragiten digu», azpimarratu zuen, eta kanpainaren helburua erritmo horri bultzada ematea dela gaineratu zuen. «Normalizazioa lortzeko irekitako bide guztiek —hezkuntzan, helduen alfabetatzean eta euskalduntzean, hedabideei dagokienez...— behar dute horien gaineko zerbait, normalizazioari bere orokortasunean bultzada emateko helburuarekin».

Euskararen normalizaziorako kanpaina gizarteko sektore guztietara zabaltzeko asmoa dauka Kontseiluak, baina Lasak mezu zehatza gorde zuen alderdi politikoentzat eta administrazioentzat: «Kanpaina izango da alderdi politikoei esateko, neurri handi baten, borondate politikoaren baitan dagoela normalizazioaren gaia. Administrazioentzat ere izango da mezua, eta normalizazioaren bidean orain arte baino ausartago jokatzeko eskatuko diegu».